

No ta importa cuanto aña tin casa: Den matrimonio ambos partner mester mantene interes pa otro!

ORANJESTAD (AAN) -- Pa finaliza nan participacion durante e simposio organiza pa Aruba Junior Chamber, "abo sa kico ta matrimonio?" e pareha forma pa Dolfi y Belen Kock-Marchena a sigui conta parti di nan historia di 30 aña di matrimonio. Belen a conta cu for di momento cu el a bira mama pa prome biaha el a dedica na su yiu. Esaki a trece un cambio grandi den su bida. El a renunciar na su deporte favorito pa dedica na su famia.

Dolfi, sinembargo, a sigui traha y hunga bala loke riba su mes no ta nada malo, pero poco poco e comunicacion a cuminsa falta. Esaki a causa den Belen un poco desilusion. Despues di 6 pa 7 aña casa, nan a worde acerca pa yuda den preparacion matrimonial pa lo cual nan no tabata sinti cu e hopi experiencia ey.

Pero tempo cu nan tabata tin 16 aña casa nan a participa den "Encuentro Conyugal" for di unda un cambio importante a surgi den nan como pareha.

nan a cambia por completo. Durante e encuentro nan a saca p'afo tur loke tabata oprimi nan, y nan a bin ripara cu aunke nan no tabata un pareha infeliz nan por a bira mehor.

Belen a aconseja e hobennan presente na Cas di Cultura pa nunca carga rencor den nan alma. E ta considera su mes como un persona di caracter impulsivo cu ta saca su rabia y tin biaha a hurt su casa of su yiunan. Pero e no por bay drumi rabia cu ningun di nan y semper cu e ta fout e ta pidi dispensa. Dolfi no sa rabia lige, pero ora e ta hacie e no por bin bon lige.

Cu nan testimonio Belen y Dolfi a muestra cu ningun hende ta perfecto y den tur matrimonio, pa mas amor cu e pareha tin pa otro, semper tin un ke otro nubia scur pa tapa e felicidad un rato.

Dolfi y Belen ta considera cu discusion entre pareha ta bon, pero nan mester sa con pa haci sin hurt otro seriamente, pasobra e sorto di heridan an aki no ta cura facil.

Belen a siña con pa pidi pordon y con pa concentra mas den e aspectonan positivo y bunita di otro.

Den pasado, segun el a bisa Dolfi tabata domine. Pero awor no mas. Durante e trayectoria di 30 aña di matri-

monio ambos a siña con pa laga capricho un banda. Nan ta sinti cu den e 30 añanan aki a surgi cambionan, pero positivo.

Nan a haya tempo pa wak unda nan a causa dolor na otro, y con pa esaki keda atras.

ASPECTO FINANCIERO

Tambe e pareha a referi na e aspecto financiero. For di principio nan no a haci diferencia riba placa kico ta di un

y kico ta di otro. Pero nan a habri un cuenta na banco unda e entrada di tur dos a bay.

Asina nan a lanta nan yiunan, pa asina den futuro nan siña comparti. Nan no a malcria nan yiunan pero a muestra nan e balor di trabao y di esfuerzo propio pa logra algo.

Si nan tabata kier bisti un keds di riba 100 florin, nan tabata duna nan un parti y pa e resto nan muchanan mester a traha pe.

Nan mes a keda pa añanan largo core e mesun auto. Te recientemente nan a cumpra un auto nobo.

Belen y Dolfi ta stima nan respectivo famia masha hopi mes. Sinembargo nunca nan a laga ningun hende mete den nan bida. Nan semper a resolve nan problemanan den cas, sin carga nan famia cu esakinan.

Pa finaliza, Dolfi y Belen a bisa cu cada partner den un pareha mester semper mester

ta atractivo pa otro. E aspecto fisico ta importante, mescos cu mantene e alegria y sensibilidad. Dolfi ta un esposo hopi cariñoso y Belen no por imagina su mes biba sin e caricianan di su casa.

Pa cera cu broche di oro Belen a lesa un bunita poesia cu ta refleha e amor cu ta existi entre e y Dolfi.


Pronto nan lo bay Hulanda pa e graduacion di un yiu y esaki ta un motibo grandi di satisfaccion pa nan como mayor.

**Le Petit
Café
Restaurant**
Pa reservacion yama:
826577 - 833716

Ta desea tur Tata un
Feliz Dia di Tata
Ariba Diasabra y Diadomingo
tur tata y su familia
cu bin dinner cerca nos ta ricibi
25% di descuento.

25%
Descuento

check bo agenda



Biña sin Limite

Salad Bar

Hot Station

Pasta Station

Argentine Grill

Postre Criollo

Koffie of Thee

\$ 19.95
(No service charge)



falta poco dia...

pa reservacion: 868600